

Oz ei il Di dils dretgs
digl affon



NOVEMBER

Il Di dils dretgs digl affon

Tgei colur han tes cavels? Tgei colur ha tia pial? Eis ti gronds ni pigns? Sas ti cuorer sco in leopard ni sesas ti ella sutga cun rodas? Eis ti in buob ni ina buoba? Tut quellas differenzas giogan negina rolla. Sche ti has aunc buca 18 onns, valan ils dretgs digl affon era per tei. Els valan per tut ils affons sin igl entir mund. Tgei vul quei dir? In dretg ei ina caussa ch'in affon astga far – ed ils carschi ston respectar e proteger ils affons. Per far endamen quei dat ei il Di internaziunal dils dretgs digl affon ils 20 da november. Ils 20 da november digl onn 1989 han numnadamein bunamein tut las tiaras dil mund suttascret la convenziun dils dretgs digl affon. Quei vul dir ch'ellas ston

setener vid las 54 cunvegnas. E per tei e tut ils auters affons eis ei impurtont d'enconuscher ils dretgs! Cheu ein tschun dad els:

- Affons astgan dir tgei ch'els tratgan.
- Affons astgan far giu cun auters affons.
- Affons astgan ir a scola ed emprender, els astgan anflar ora tgei che plai ad els e tgei talents ch'els han.
- Affons ston vegnir protegi, per che negin fetschi mal ad els.
- Affons drovan temps liber per far termagls, els han era il dretg da far art e dad esser creativs.

Tgi protegia tei?

Tgei astgas ti decider a casa?
Nua has ti da dir nuot?

Sas ti che ti astgas adina
dir tiu meini?



Co fuss ei, sch'ils affons regessen
il mund? Malegia quei mund.

Tgei drovan affons
sin igl entir mund?

Giug ordaviert

Preparaziun

1 Tagliei ora las cartinas cun ils pensums e faldei mintgina.




Mei ordaviert per far il giug.

2 Prendei cun vus ridas ed encuri in plaz en in liug segir.

Malegei cun las ridas ina figura che ha aschi biars caums sco vus veis cartinas cun pensums.

3 Mintga affon trai in crap ella figura e sligia il pensum tenor la cartina che sesanfla en quei caum. Il giug va en roda, tochen che mintga affon ha sligiau silmeins in pensum.

Idea: Ils affons san era inventar sezs damondas.



Enquera aua. Pren ella enta maun.

1

Dumbra contas scaffas da brevs ch'ei dat en quella via.

4

Va exact 100 pass en ina direcziun. Nua arrivas?

2

Enquera in baun. Sesa giu e fai ina pausa.

5

Dumbra tut las persunas che ti vesas.

3

Tucca en treis fatschadas da different material:

- lenn
- mir
- crap

6

Enquera ina meisa e seruschna
sut quella ora.

7

Dumbra tut las finiastras che
ti vesas.

10

Enquera treis caussas:

- cotschnas
- blauas
- rodundas

8

Va en tiu liug preferiu. Co vesa
ei ora leu?

11

Fagei da sezuppar. Ils auters
affons sezuppan. Ti enqueras els.

9

Enquera ina scala da gats.

12